

Потребкооперацин чинриг өөдлүүлхмн

Сүл цагин эргцд потребкооперацин чинрнь багърад, дорагшан ордж одсн учрар, нам кесгнь кооперацин членд орад чигн керг уга гидж санцхана.

Селәнә потребительн обществин чинрнь иигдж дорагшан орснднь, ганцхн селәнә организацс бурута биш, тедү мет районн организацс чигн гемтә. Эн джилин хаврар цуг селәгъяр болн совхозмудар потребкооперацин пайщикүдин уполномоченн улсин хург болв. Районд кооперативн хург болв. Тиигчкәд, Приозери районд болсн хургин делегатрин өрәлнь нам кооперацин членд бәәдгө улс бәәдж.

Кесг рабкоопсар пайин эдл-ахунь диг уга, рабкоопсин правленьс кедү член бәәх, ямаран улс член болджахинь төрүц медхш. Ниднин Степно-

вск района нег потребительск обществд шүүвр кеснд, ним йовдл үзгдв: энүнд көдлджәх 39 күүнәс зуг, 10—12 күн потребкооперацин членд бәәдж.

Хәтәрәр хая ирдг эд-тавр хулдсн цагтан, потребкооперацин член улсиг члендэс бәәдг улсас йилгъдж хулдхш. „Бүкл пайта улст“ гидг полкс нег чигн лавкд уга.

Өдгә цагт, Новосибирскәс, Алтаяс болн нань чигн газрас кесг оли әмтн мана районд ирсн бәәнә. Тедн дунд потребкооперацин членә дегтртә улс оли. Тер улсиг яяхан чигн медджәхш, юнъгад гихлә, энүнә тускар төрүц көдлмш кегдджәсн уга. Иигдж ард үлдлгъиг чиклхин төлә кооперацин чинриг өөдлүүлх кергтә.

К. БОГОМОЛОВ.

Приозери район.